

DEUTERONOMI.

6 Is mise an Tighearna do Dhia, a thug a mach thu fa a tìr na h-Eiphit, a tigh na daorfa^a.

7 Na biodh dée sam bith eile agad a'm' fhianuis.

8 Na dean dhuit féin dealbh snaidhte^b no collas air bith *ni sam bith* a ta shuas air nèamh, no a ta fhios air an talamh, no a ta 'fna h-uifgeachaibh fuidh 'n talamh.

9 Na crom thu féin sìos doibh, agus na dean feirbhis^c doibh: oir mise an Tighearna do Dhia, is Dia eudmhor *mi*, a' leantuinn aingidheachd nan aithreacha air a' chloinn, agus air an treas agus air a' cheathramh *ginealach* dhiubhsan a dh'fhuathaicheas mi,

10 Agus a' deanamh^d tròcair air mhiltibh dhiubhsan a ghràdh-aicheas mi agus a ghleidheas m'aitheanta.

11 Na tabhair ainm an Tighearna do Dhé 'an dìomhanas: oir cha mheas an Tighearna neo-chiontach *esan* a bheir ainm 'an dìomhanas.

12 Thoir an aire là na fàbaid a naomhachadh^e, mara dh'aithn an Tighearna do Dhia dhuit.

13 Sè làithean faothraichidh tu, agus ni thu t'obair uile:

14 Ach air an t-seachdamh là *tha* fàbaid an Tighearna do Dhé: air an là *fo* cha dean thu obair sam bith, thu féin no do mhac, no do nighean, no t'òglach, no do bhan-oglach, no do dhamh, no t'asal, no àon air bith do d' sprèsidh, no do choigreach a *tha* 'n taobh a stigh do d' gheataibh; a chum as gu'n gabh

t'òglach agus do bhan-oglach fois co mhath riut féin.

15 Agus cuimhnich gu'n robh thu *féin* a'd' sheirbhiseach ann an tìr na h-Eiphit, agus gu'n d'thug an Tighearna do Dhia mach as sin thu, le làimh chumhachdaich agus le gairdean sìnte mach: uime sin dh'aithn an Tighearna do Dhia dhuit an t-fàbaid a choimhead f.

16 Tabhair onoir^g do t' athair agus do d' mhàthair, mar a dh'aithn an Tighearna do Dhia dhuit; a chum gu'm buanaichear do làithean, agus gu'n èirich gu math dhuit 'san fhearann a bheir an Tighearna do Dhia dhuit.

17 Na dean mortadh.

18 Ni mò a ni thu adhaltranas.

19 Ni mò a ghoideas tu.

20 Ni mò a bheir thu fianuis bhréige 'an aghaidh do choimhearsnaich.

21 Ni mò a mhiannaicheas tu bean do choimhearsnaich, ni mò a shanntaicheas tu tigh do choimhearsnaich, fhearann, no òglach no bhan-oglach, no dhamh, no asal, no *ni* air bith a' le do choimhearsnach.

22 Na briathra sin tabhair an Tighearna r'ar coi'-thional uile 'san t-siabh, a meadhon an teine, an neoil agus an dubh dhorchadais, *le* guth mòr; agus cha do chuir e tuille ris: agus sgrìobh e iad air dà chlàr chloiche, agus thug e dhomhs' iad.

23 Agus an uair a chuala sibh an guth a meadhon an dorchadais, agus an t-sleibh a' losgadh

^a tigh nan tràillean. ^b gearrta, gràbhalta. ^c coradh. ^d a' nochdadh. ^e Coimhid là na fàbaid chum a naomhachadh. ^f a dheanamh. *Eabh.* ^g ur-